

পিতৃ-মাতৃ পূজা । পূজা পরিচয় দ্বিতীয় ভাগ ।

শ্রীঅনন্দচন্দ্র মুখোপাধ্যায় দ্বারা সংকলিত ।

“সেবিদ্যা পিতরৌ কশ্চিৎ ব্যাধঃ পরমধর্মবিৎ ।
লেভে সর্বকৃত্যং যা তু সাধ্যতে ন তপস্বিভিঃ ॥”

“বৃহদ্রম্মপুরাণম্ ।”

শ্রীপ্রতাপচন্দ্র দে কর্তৃক প্রকাশিত

৬৬ নং নিমুগোস্বামীর লেন, কলিকাতা ।

প্রথম সংস্করণ ।

ইউনাইটেড প্রেস ।

৬৬ নং নিমুগোস্বামীর লেন, কলিকাতা ।

শ্রীতিনকড়ি চক্রবর্তী দ্বারা মুদ্রিত ।

সন ১৩১৯ সাল ।

All rights reserved.

মূল্য ৮০ হই আনা মাত্র



“ঠাকুর ভাই । আপনাব পদত্ব পিতৃ মাতৃ পূজা
আচরণ করিয়া আমি কৃতার্থ হইয়াছি এবং আমার
জন্ম সফল হইয়াছে ।”

শ্রীঅনাথবন্ধু মুখোপাধ্যায় ।

কৃষ্ণকালী ভবন, কালীঘাট ।

1



“মহাশয় । আপনার প্রদত্ত মাতৃ পূজা প্রাপ্ত হইয়া
আমাব চিব নামনা পূণ হইয়াছে এবং আমি ভূপ্তি-
লাভ করিয়াছি ।’

শ্রীধর্মদাস ভট্টাচার্য্য

বনুনাথপুর, বিলগ্রাম ।

■

ভূমিকা ।

“ন সত্যং দানমানো বা যজ্ঞো ব্যাপ্যাপ্তবক্ষিণঃ ।
তথা বলকরাঃ সীতে যুধা সেবা শিষ্টিতাসা
স্বর্গো ধনং বা ধাতুং বা বিদ্যাঃ পুত্রাঃ সুখানি চ ।
গৃহবৃত্ত্যানুরোধেন ন ক্ৰিক্ৰিদপি ছলভং ॥”

“রামায়ণ ।”

সত্য, দান, মান বা দত্তদক্ষিণ যজ্ঞ সকল পিতৃসেবার শ্রায় শ্রেষ্ঠ ফলদাতা নহে। পিতার সেবা করিলে স্বর্গ, ধন, ধাতু, বিদ্যা, পুত্র ও সুখ কিছুই ছলভ হয় না।

পিতৃমাতৃ পূজার দ্বারা মানব অতুল ঐশ্বর্য লাভ করিয়া তাহার ভোগে তৃপ্তি লাভ করে। তৃপ্ত মানব গুরু বরণ করিয়া ভবব্যাদিনাশক বীজ মন্ত্র গ্রহণ করিতে সক্ষম হয়। এইরূপে গৃহীত মন্ত্রই কেবল মানবকে মুক্তি প্রদান করে। স্মৃতরাং প্রবৃত্তি মার্গে অবস্থিত মানব যাবৎ দৈহিক ভোগের আশার নিবৃত্তি না হয় তাবৎ পিতৃমাতৃ পূজা করিবেন। দৈহিক ভোগাশা নিবৃত্ত হইলেই তিনি আপনা হইতে গুরুকে প্রবৃত্তির সব দান করিয়া মন্ত্র গ্রহণ করিবেন এবং গুরুপূজা করিতে শিখিবেন।

দেহাত্ম-জ্ঞান নাশের জন্য প্রথম শিক্ষা পিতৃমাতৃ পূজা। বালক অবস্থা হইতে প্রকৃতি গঠিত না হইলে যৌবন অবস্থায় কৰ্ম করিতে বহু অসুবিধা হয়। তাই যাহাতে এই পুস্তক বিদ্যালয়ের পাঠ্য হইতে পারে তদ্বিষয়ে আমার সাধ্যানুযায়ী চেষ্টা করিয়াছি। আমাদের পরিবর্তনের সময় উপস্থিত হইয়া

থাকিলে সকলেই ইহা আগ্রহের সহিত শিখিবেন এবং বিদ্যালয়ে বালকদিগকে শিখাইবেন।

হিন্দুধর্মের পর পর সোপানগুলি গোলমাল হইয়া যাওয়ায় আমরা সর্বোৎকৃষ্ট ধর্মের আশ্রয় পাইয়াও কার্যে ফলবান হইতেছি না। যাহাতে যথাশাস্ত্র পর পর সোপান সমুদয় পুনঃ প্রকাশিত হয়, তাহাই আমার ইচ্ছা। ইহার দ্বারা একটা জীবনও যদি প্রকৃত পথ গ্রহণ করে, তাহা হইলেই আমার শ্রম সার্থক মনে করিব।

যাবৎ ধনজনের আশা থাকিবে তাবৎ নর পিতৃমাতৃ পূজা করিবেন এবং যথাসাধ্য কৌলিক (বার মাসের তের পার্বণ) দুর্গা, লক্ষ্মী পূজাদি যথাকালে করিবেন। এই কৰ্ম করিতে করিতে ধন জনের আশার শান্তি কাল উপস্থিত হইলে সর্বস্ব বিনিময়ে গুরুর নিকট হইতে মন্ত্র গ্রহণ করিয়া বিবাহিত ব্যক্তি সস্ত্রীক বানপ্রস্থ অবলম্বন করিবেন এবং অবিবাহিত ব্যক্তি সন্ন্যাস গ্রহণ করিবেন। ইহাই প্রকৃত পথ। এই পথ হারাইয়া আমরা সূর্যাসমদীপ্তিমান্ ধর্মাবলম্বনেও অঁধার দেখিতেছি।

পিতৃমাতৃ পূজায় প্রত্যক্ষ দেবতাদেরও পূজা করিতে হয়।


গুরুগঙ্গা চ মাতা চ পিতা সূর্যোন্দুবহুয়ঃ ।

প্রত্যক্ষ দেবতা এতাঃ পতি স্ত্রীণাং তথাস্মতঃ ॥

শাস্ত্রকারেরা গুরু গঙ্গা পিতা মাতা সূর্য্য চন্দ্র ও বহ্নিকে এবং স্ত্রীদিগের পতিকে প্রত্যক্ষ দেবতা বলিয়াছেন।

গ্রন্থকার ।

পিতৃ-মাতৃ পূজা



কৌশিক ও বনক্য।

পূর্বকালে কৌশিক নামে একজন বেদজ্ঞ ব্রাহ্মণ ছিলেন। তপোধন কৌশিক একদিন বৃক্ষমূলে বসিয়া বেদ পাঠ করিতে ছিলেন, সেই সময় একটা বক তাঁহার মাথায় মল ভাগ করিয়াছিল। তাহাতে দ্বিজসত্তম রুষ্ট হইয়া বকটার প্রতি দৃষ্টি মিক্ষেপ করার বকটা মরিয়া ভূমিতে পড়িয়াছিল। দ্বিজ তাঁহার ক্রোধের দোষে অপর একটা প্রাণী মরিল দেখিয়া হুঃখিত হইয়াছিলেন। “আমি কি অশ্রদ্ধা করিলাম! হায়! আমি কি পাপ করিলাম!” ইত্যাদি বাক্য বলিতে বলিতে তিনি ভিক্ষার জন্ত নিকটস্থ গ্রামে গমন করিয়াছিলেন।

সেই গ্রামে পতিব্রতা নামে এক সাধ্বী স্ত্রী তাঁহার পতির সহিত বাস করিতেন। তিনি পতিকে প্রত্যক্ষ দেবতা বলিয়া জানিতেন। তিনি সর্বদা তাঁহার স্বামীর আজ্ঞা প্রতিপালন করিতেন। তিনি পতির সুখে সুখী এবং দুঃখে দুঃখী ছিলেন। তিনি কখনও পতির নিন্দা করিতেন না বা অশ্রদ্ধা কেহ নিন্দা করিলে তাহা তিনি সহ্য করিতে পারিতেন না। তিনি পতি না খাইলে খাইতেন না এবং পতি না শুইলে শুইতেন না। পতিকে দেখিবামাত্র তিনি উঠিয়া দাঁড়াইতেন এবং পতি না

বসিলে তিনি বসিতেন না। তিনি সর্বদা স্বামীর নিকট বিনীতভাবে থাকিতেন এবং নম্রভাবে তাঁহার সহিত কথা কহিতেন। স্বামী বিদেশে গমন করিলে পতিব্রতা চুল বাঁধিতেন না, ভাল কাপড় পরিতেন না, ভাল দ্রব্য খাইতেন না, কোনরূপ হাস্য-আমোদ করিতেন না, কোন কৌতুক-ক্রীড়া দি দেখিতেন না, বা কোন পুরুষের সহিত ভাল করিয়া কথা কহিতেন না। সদাচারবতী, শুচি এবং কার্যকুশল পতিব্রতা সর্বদাই ভর্তার হিত-চিন্তা করিতেন। তিনি প্রত্যহ পতি পূজা করিয়া পতির চরণামৃত পান করিয়া পতির প্রসাদ ভোজন করিতেন।

কৌশিক ভিক্ষার জন্ত ঘুরিতে ঘুরিতে পতিব্রতার গৃহে উপস্থিত হইয়া পতিব্রতাকে দেখিয়া বলিলেন—“মা ! আমি দেহী আমাকে ভিক্ষা দাও।” পতিব্রতা আগত অতিথিকে “আপনি অপেক্ষা করুন আমি ভিক্ষা আনিতেছি” বলিয়া ভিক্ষা আনিবার জন্ত গৃহে প্রবেশ করিবার মাত্র দেখিলেন তাঁহার পতি ক্ষুধার্ত হইয়া তথায় উপস্থিত রহিয়াছেন। পতিকে দেখিবামাত্র পতিব্রতা তাঁহার পূজা করিলেন।

পতিপূজা করিয়া পতিব্রতা স্বামীকে প্রণাম করিলেন এবং ভিক্ষাপাত্র লইয়া কৌশিককে ভিক্ষা দিবার জন্ত বাহিরে আসিয়া বলিলেন, “হে ব্রহ্মন্ ! ভিক্ষা গ্রহণ করুন।” কৌশিক ঈষৎ রোষের সহিত বলিলেন, “ভাল কথা, মা ! বল দেখি আমি কতকণ দাঁড়াইয়া আছি। ভিক্ষা দিবে না বলিলেই আমি চলিয়া যাইতাম।” পতিব্রতা ব্রাহ্মণের অমর্ষ দেখিয়া তাঁহাকে শাস্ত্রভাবে বলিলেন, “হে বিদ্বন্ ! আমাকে কমা করুন। স্ত্রীর পতি

পিতৃ-মাতৃ পূজা

৩

অপেক্ষা জগতে কেহ শ্রেষ্ঠ নয়। আমি ভিক্ষা আনিতে গমন করিয়া দেখিলাম আমার পতি গৃহে উপস্থিত রহিয়াছেন। আমি শত কৰ্ম ত্যাগ করিয়া অগ্রে তাঁহার পূজা করি। সুতরাং তাঁহাকে পূজা করিয়া আসিতে আমার একটু বিলম্ব হইয়াছে। আমার অপরাধ আপনি ক্ষমা করুন।” তাহা শুনিয়া কৌশিক বলিলেন, “ব্রাহ্মণ অপেক্ষাও কি তোমার পতি শ্রেষ্ঠ? গৃহস্থ ধর্ম্মে থাকিয়া তুমি ব্রাহ্মণের অপমান কর? ব্রাহ্মণেরা যে ক্ষুদ্র হইয়া পৃথিবী পর্য্যন্ত দগ্ধ করিতে পারেন!”

পতিব্রতা বিনীত স্বরে উত্তর করিলেন, “হে ঠাকুর! আমি বকী নই যে আপনার কোপদৃষ্টিতে ভয় হইব। হে তপস্বী! আমি আমার কর্তব্য কৰ্ম সম্পন্ন করিতে বিলম্ব করিয়াছি তাহাতে আমার কোন দোষ হয় নাই। ব্রাহ্মণদিগের মাহাত্ম্য আমি জানি, কিন্তু আমার উপর অযথা রাগ করিয়া আপনি আমার কিছুই করিতে পারিবেন না। পতি অপেক্ষা শ্রেষ্ঠ আমার কেহ নাই, পতিপূজা অপেক্ষা শ্রেষ্ঠ কৰ্ম আমার কিছু নাই এবং পতিসেবা অপেক্ষা শ্রেষ্ঠ ধর্ম্মও আমার আর নাই। হে বেদজ্ঞ! ক্রোধ জীবের প্রধান শিগু, আপনি উহা ত্যাগ করুন।”

কৌশিক অবলম্বুখে সর্বজন অবিদিত তাঁহার বকভঙ্গের কথা শুনিয়া মুগ্ধ হইয়া ভক্তি গদগদচিত্তে বলিতে লাগিলেন, “মা! হৃঃসাধ্য তপস্যা করিয়াও যে দিব্য জ্ঞান লাভ করিতে পারি নাই, তুমি কিরূপে তাহা ঘরে বসিয়া লাভ করিলে? মা! আমার আর রাগ নাই। আমাকে শীঘ্র তোমার দিব্যজ্ঞান লাভের উপায় বল।”

পতিব্রতা বলিলেন, “হে বিপ্র ! কেবল মাত্র পতিব্রতা ধর্ম পালন করিয়া আমার এই জ্ঞান জন্মিয়াছে।”

কৌশিক বলিলেন, “মা ! বল তোমার সেই পতিব্রতা ধর্মের কথা, আমাকে একবার বল ! কঠোর তপস্যায়ও যে ফল পাওয়া যায় না—গৃহে বসিয়া যে কর্ম করিলে সেই ফল পাওয়া যায়, তাহা আমাকে বল।”

তখন পতিব্রতা ষথাশাস্ত্র পতিপূজার নিয়মাদি কৌশিককে শুনাইলেন ।

কৌশিক নীরবে পতিব্রতা কথিত পতিপূজার নিয়ম সকল শুনিলেন । পতিব্রতা তাঁহার কথা শেষ করিলে তিনি অশ্রুপূর্ণ-লোচনে ভাবে গদগদ হইয়া বলিলেন, “হে পতিব্রতে ! তুমি ধন্বা ! তোমার জন্ম সার্থক ! এ জগতে এরূপ সুন্দর ধর্মের কথা আমি আর কখন শুনি নাই । মা ! তোমার কথাগুলিতে আমার দেহ পবিত্র হইল । যে স্ত্রী এই উত্তম সহজ ধর্মপথ পাইয়াও আলস্যদোষে ইহা গ্রহণ করেন না, তিনি নিশ্চয়ই হতভাগিনী ; এবং যে পতি এই সহজ ধর্ম তাঁহার পত্নীকে শিক্ষা দেন না তিনি তাঁহার পত্নীর উপর কর্তব্য পালনের ক্রটি করেন । হে সাধিব ! আহা ! আহা ! এমন সুখ-সাধ্য উত্তম ধর্ম আমি আর শুনি নাই । ইহাতে যে স্ত্রীগণের ভূতভবিষ্যৎ জ্ঞান জন্মিবে তাহা আর আশ্চর্য্য কি ? মা ! বল আমার গতি কি হইবে ? আমাদের-জন্ম যদি কোন সহজ উপায় থাকে, মা ! আমাকে তাহা বলিয়া দেও । আমি মহাপাপী, মা ! আমার জ্ঞান কর !” ইহা বলিয়া কৌশিক কাঁদিতে লাগিলেন ।

পতিব্রতা কৌশিককে কাঁদিতে দেখিয়া করুণস্বরে বলিলেন, “হে দেব! আপনি কাঁদিবেন না। আপনাদের প্রত্যক্ষ দেবতা পিতা মাতা; যাবত না তাঁহাদের পূজার সিদ্ধিলাভ হয়, তাবত তাঁহাদের ভজনা করাই আপনাদের কর্তব্য। আপনি পিতৃমাতৃ পূজা না করায় কঠোর তপস্যা করিয়াও ফল পাইতেছেন না।”

কৌশিক কহিলেন, “হে পতিব্রতে! পিতৃমাতৃ পূজায় কি ফল পাওয়া যায়, আমাকে বল?”

পতিব্রতা কহিলেন, “হে বিজ! পিতৃমাতৃ পূজার ফলে মানুষ ধার্মিক হইয়া অতুল সুখ-সম্পদ ভোগ করে।

তখন কৌশিক অত্যন্ত আনন্দের সহিত বলিলেন, “মা! তোমার মঙ্গল হউক। আমাকে পিতৃমাতৃ পূজা শিখাইয়া দেও।”

পতিব্রতা কহিলেন, “হে ভূদেব! আপনি মিথিলার ধর্ম-ব্যাধের কাছে গমন করুন, তিনি আপনাকে পিতৃমাতৃ পূজা শিখাইয়া দিবেন।”

কৌশিক তখন পতিব্রতাকে শত শত ধন্যবাদ দিলেন।

সতীর এইরূপ বাক্য শ্রবণ করিয়া কৌশিক সেই দিবসেই মিথিলা অভিমুখে যাত্রা করিলেন। নানা গ্রাম, নদী, বন এবং মাঠ অতিক্রম করিয়া কৌশিক মিথিলার পৌঁছিলেন। তথায় পৌঁছিয়া তিনি ধর্মব্যাধের অন্বেষণ করিতে লাগিলেন। মৈথিলেরা তাঁহাকে একটা মাংসের দোকান দেখাইয়া দিয়া বলিল, “ঐ মাংস বিক্রেতা মহাজনই ধর্মব্যাধ নামে খ্যাত।” কৌশিক সেই বিপণির এক পার্শ্বে দাঁড়াইয়া ধর্মব্যাধের

মাংস বিক্রয় দেখিতে লাগিলেন । কিছুকাল অন্তরে জনতা কমিয়া যাওয়ার ধর্মব্যাধ অবসর পাইয়া কৌশিককে যথারীতি অভ্যর্থনা করিয়া বলিলেন—“হে কৌশিক ! আপনি পতি-ব্রতার দ্বারা প্রেরিত হইয়া আমার নিকট আসিয়াছেন । আপনি ব্রাহ্মণ স্তুরাং আমার গুরু ।” কৌশিক উহা শুনিয়া বিস্মিত হইয়া বলিলেন, “হে ধর্মব্যাধ ! আমি আপনার দিব্যজ্ঞানের পরিচয় পাইয়া অত্যন্ত আশ্চর্যান্বিত হইলাম । আমি কঠোর তপস্যা করিয়া যে জ্ঞান লাভ করিতে পারি নাই, আপনি মাংস বিক্রয়রূপ নীচ কর্ম করিয়াও কিরূপে তাহা লাভ করিলেন ?” ধর্মব্যাধ ঈষৎ হাস্য করিয়া বলিলেন, “আমার কর্ম নীচ হইলেও, আমি কুলধর্ম পালন করিতেছি বলিয়া উহা শ্রেষ্ঠ হইয়াছে । হে বিপ্র ! সংসারী ব্যক্তি শিষ্টাচার অবলম্বন করিয়া সাক্ষাৎ দেবতা পিতা-মাতাকে পূজা করিলে সকল সিদ্ধিই লাভ করিতে পারেন । হে দ্বিজ ! আপনি আমার সহিত এখন আমার গৃহে চলুন ।”

কৌশিককে অগ্রবর্তী করিয়া ধর্মব্যাধ যথাসময়ে গৃহে পৌছিলেন এবং তাঁহাকে উত্তম আসনে উপবেশন করাইয়া পাদ্য ও আচমনীয় দ্বারা তাঁহার পূজা করিলেন । তখন কৌশিক ধর্মব্যাধকে জিজ্ঞাসা করিলেন—

“হে লুক্ক ! আপনি যে শিষ্টাচারের কথা বলিয়াছেন, তাহা কিরূপ আমি শুনিতে ইচ্ছা করি ।”

ধর্মব্যাধ বলিলেন, “সত্য পালন, গুরুজনের সেবা, প্রিয় বাক্য প্রয়োগ এবং দান করা ; অনহরা, কমা, শাস্তি ও সন্তোষ

পিতৃ-মাতৃ পূজা

৭

রক্ষা করা ; এবং কাম, ক্রোধ, লোভ, মোহ, মদ ও মাৎসর্য ত্যাগ করাকে শিষ্টাচার বলে ।”

কৌশিক বলিলেন, “হে যুগজীবন ! আপনার কথা শুনিয়া আমি আনন্দ লাভ করিতেছি । এক্ষণে আপনি কিরূপে পিতৃমাতৃ পূজা করিতে হয় তাহা বলুন ।”

ধর্মব্যাধ বলিলেন, “হে ব্রাহ্মণপুঙ্গব ! যে ধর্ম আচরণ করিয়া আমি সংসারে সিদ্ধিলাভ করিয়াছি তাহা আপনি প্রত্যক্ষ দর্শন করুন । আপনি আমার সঙ্গে ঘরের ভিতরে আগমন করুন, আমি এখন আমার পিতামাতার পূজা করিব ।”

কৌশিক উহা শুনিয়া ধর্মব্যাধের সঙ্গে গৃহমধ্যে প্রবেশ করিলেন । সেই গৃহস্থিত বস্তুগুলি পরিষ্কার ও পরিচ্ছন্ন ভাবে সজ্জিত ছিল । গৃহে সুন্দর শয্যার উপর ধর্মব্যাধের পিতা ও মাতা বসিয়াছিলেন । তিনখান আসন, এক ঘটা জল, এক জোড়া কোশাকোশী, দুইটা শঙ্খ, একটা তাম্রকুণ্ড, দুইটা বাটা, একটা ঘণ্টা, একটা ধুনচী, একটা প্রদীপ, একখান থালায় ফুল, চন্দন, দুর্বা, তিল, কুশ, আতপ চাউল, যব এবং সর্ষপ, অপর দুইখান থালায় নানাবিধ উপাদেয় খাদ্য দ্রব্য, দুই গেলাস জল এবং দুই ডিবে পান সেই ঘরের শোভা বর্ধন করিতেছিল । সেই ঘর দর্শন করিলেই বোধ হয় যেন উহা দেবতা পূজার জন্যই মাত্র ব্যবহৃত হয় । এই সকল দেখিয়া কৌশিকের মন অত্যন্ত প্রফুল্ল হইয়াছিল । ধর্মব্যাধ কৌশিককে সেই গৃহের এক পার্শ্বে বসিতে দিয়া বলিলেন, “হে তপোধন ! আপনি আমার পিতৃমাতৃ পূজা অবলোকন করুন ।”

ধর্মব্যাধের পিতৃ-মাতৃ পূজা ।

ধর্মব্যাধ পিতামাতার নিকট জানু পাতিয়া বসিয়া হাত যোড় করিয়া বলিলেন—“হে প্রত্যক্ষ দেবতাস্বর ! আপনারা আজ্ঞা করুন, আমি আপনাদের পূজা করিব।” ধর্মব্যাধের পিতামাতা “তথাস্তু” বলিলেন ।

ধর্মব্যাধ দুই খান আসন বিছাইয়া পিতামাতাকে দক্ষিণমুখী বসাইলেন এবং তাঁহাদের সম্মুখে নির্জে একখান আসন বিছাইয়া উত্তরমুখী বসিলেন ।

তিনি এক বিন্দু জল দক্ষিণ হস্তে লইয়া ‘বিষ্ণুকে নমস্কার’ বলিয়া তাহা পান করিলেন । আরও দুইবার ঐরূপ আচমন করিলেন । পুনরায় তিনি দক্ষিণ হাতে একটু জল লইয়া “হে বিষ্ণু ! অদ্য অতুল সুখ সম্পদ লাভের জন্ত এবং তাহা ভোগজনিত নিবৃত্তি উদ্ভবের জন্ত আমি পিতৃমাতৃ পূজা করিব।” বলিয়া হাতের জল ঈশান কোণে ফেলিয়া দিয়া সঙ্কল্প করিলেন ।

লাল চন্দন দ্বারা নিজের আসনের নীচে একটা ত্রিভুজ আঁকিয়া “আখার শক্তিদিগকে নমস্কার” বলিয়া তিনি সেই ত্রিকোণে একটা চন্দনযুক্ত ফুল দিলেন । তিনি আসন ধরিয়া বলিলেন, “আসন মন্ত্রের মেরুপৃষ্ঠ ঋষি স্তুতলছন্দ কুর্ম্ম দেবতা । আসনে বসিবার জন্য ইহার ব্যবহার হয়।” এবং হাত যোড় করিয়া বলিলেন, “হে পৃথিবী ! তুমি লোক সকলকে ধারণ করিয়াছ ; বিষ্ণু তোমাকে ধারণ করিয়াছেন ; তুমি আমাকে সর্বদা ধারণ করিয়া আমার আসন পবিত্র কর।” আবার

চন্দন দ্বারা আসনের উপর একটি ত্রিভুজ আঁকিয়া, “আধার-শক্তি কমলাসন তোমাকে নমস্কার” বলিয়া তাহাতে একটি গন্ধপুষ্প দিলেন। এইরূপে ধর্মব্যাধ আসনগুচ্ছ করিলেন।

ধর্মব্যাধ নিজের বামদিকে ভূমিতে চন্দন দ্বারা একটি ত্রিকোণ আঁকিয়া “আধার শক্তিদিগকে নমস্কার” বলিয়া তাহাতে একটি গন্ধপুষ্প দিলেন। তারপর কোশা তাহার উপর রাখিয়া কোশার জল, বেগপাতা, দুর্কা, তুলসী, আতপ চাউল ও ফুল দিলেন। দক্ষিণ হস্তের মধ্য আঙ্গুলকে ঈষৎ আকুঞ্চিত করিয়া তর্জনির মধ্যপর্বে লাগাইয়া মধ্যমার পৃষ্ঠ দ্বারা জল আলোড়ন করিতে করিতে বলিলেন, “গঙ্গা যমুনা গোদাবরী সরস্বতী নর্মদা সিন্ধু ও কাবেরী আদি নদী সকলের জল আমার এই জলে আগমন করুক।” এইরূপে তিনি সামাগ্ণার্থ্য স্থাপন করিলেন।

বামহাতে ঘণ্টা বাজাইয়া দক্ষিণ হাতে আতপ চাউল ছড়াইতে ছড়াইতে “ভূমিস্থিত ভূত সব সরিয়া যাও এবং বিষকারী ভূত সব শিবের আজ্ঞার নষ্ট হও” বলিয়া তিনি ভূতাপসারণ করিলেন।

তিনি চন্দনযুক্ত একটি লালফুল উত্তর করে পেষণ করিয়া উহার স্রাব লইলেন এবং উহা ঈশান কোণে ফেলিয়া দিয়া করগুচ্ছ করিলেন।

সামাগ্ণার্থ্য জল পূজার দ্রব্যাদিতে ছিটা দিয়া সমস্ত অমৃতময় হইল চিত্তা করিয়া তিনি পূজাদ্রব্য গুচ্ছ করিলেন।

তখন ধর্মব্যাধ একটি বাটা পিতার সম্মুখে এবং অপর বাটা মাতার সম্মুখে রাখিলেন এবং তাম্রকুণ্ডলী উত্তরের মধ্যস্থানে রাখিলেন।

“দেব গণেশ ! এই গন্ধ পুষ্প আপনাকে দিলাম ।”

“গুরুদেব !* এই গন্ধ পুষ্প আপনাকে দিলাম ।”

“মাতর্গন্ধে ! এই গন্ধ পুষ্প আপনাকে দিলাম ।”

“সূর্য্যদেব ! এই গন্ধ পুষ্প আপনাকে দিলাম ।”

“চন্দ্রদেব ! এই গন্ধ পুষ্প আপনাকে দিলাম ।”

“বহ্নিদেব ! এই গন্ধ পুষ্প আপনাকে দিলাম ।”

বলিয়া তিনি এক একটা গন্ধ পুষ্প তাম্রকুণ্ডে পিতামাতা ভিন্ন অন্যান্য প্রত্যক্ষ দেবতাদের দিলেন ।

চক্ষু মুদ্রিত করিয়া ক্রোড়ে হস্তদ্বয় রাখিয়া পিতার মূর্ত্তি হৃদয়ে দেখিতে দেখিতে তিনি ধ্যান পড়িলেন ।

“মনইঞ্জিয়যুক্ত সূক্ষ্মদেহের উৎপাদক অসিবংশী ও সুও-
ধারী মম জন্মদাতাকে ধ্যান করি ।”

এবং হৃদয়স্থিত পিতাকে মনে মনে পূজা করিলেন, যথা—
“জন্মদাতা সর্বদেবময় পিতঃ ! আপনাকে ক্রিতিতত্ত্বগন্ধ অর্পণ
করিলাম ।”

এইরূপ বলিয়া ‘আকাশতত্ত্বপুষ্প’, ‘বায়ুতত্ত্ব ধূপ’, ‘তেজ-
তত্ত্ব দীপ’ এবং ‘অপতত্ত্ব নৈবেদ্য’ দিয়া পিতার মানস পূজা
করিলেন ।

“পিতাই স্বর্গ, পিতাই ধর্ম্ম, পিতাই পরম তপ । পিতা
সন্তুষ্ট হইলে সর্বদেবতাই প্রীত হইয়া থাকেন ।” বলিয়া তিনি
হৃদয়স্থ পিতাকে মনে মনে প্রণাম করিয়া চক্ষু মেলিলেন ।

তিনি একটা ফুল স্বীয় বক্ষের নিকট ধরিয়া আবার পূর্বোক্ত

* বাবত মন্মদাতা গুরু না হ'ন, তাবত সহস্রারহ শিবই গুরু ।

ধ্যান পড়িলেন ও ফুলটা পিতার সম্মুখস্থ তাত্রকুণ্ডে রাখিয়া বাহুপূজা আরম্ভ করিলেন ।

পিতার সম্মুখের বাটার উপর পিতার দক্ষিণ পদ ধীরে ধীরে আনিয়া রাখিলেন এবং ঘটী হইতে জল ঢালিয়া “হে জন্মদাতা সর্বদেবময় পিতঃ ! আপনাকে পাণ্ড অর্পণ করিলাম” বলিতে বলিতে পাদ ধোত করিয়া গামছার দ্বারা ভালরূপে মুছিয়া দিলেন ।

একটা শঙ্খে জল, আঁতপ চাউল, যব, তিল, সর্ষপ, কুশ, দুর্বা, ভুলসী ও ফুল দিয়া “হে জন্মদাতা সর্বদেবময় পিতঃ ! আপনাকে এই অর্ঘ্য অর্পণ করিলাম ।” বলিয়া উহা পিতার মাথায় স্পর্শ করাইয়া রাখিয়া দিলেন ।

একটু সামান্যার্থ্য জল লইয়া পিতার ওষ্ঠদ্বয় মুছিয়া দিতে দিতে বলিলেন, “হে জন্মদাতা সর্বদেবময় পিতঃ ! আপনাকে এই আচমনীয় অর্পণ করিলাম ।” একটু চন্দন পিতার নাকের নিকট ধরিলেন এবং “হে জন্মদাতা সর্বদেবময় পিতঃ ! এই গন্ধ আপনাকে অর্পণ করিলাম !” বলিয়া উহা পিতার কপালে দিয়া দিলেন ।

ফুল দিয়া পিতাকে সাজাইতে সাজাইতে বলিলেন, “হে জন্মদাতা সর্বদেবময় পিতঃ ! এই পুষ্প আপনাকে অর্পণ করিলাম ।”

তিনি ধূনচীতে ধূপ দিয়া ঘণ্টা বাজাইতে বাজাইতে উহা পিতার বাম দিক দিয়া নাক পর্য্যন্ত তুলিয়া দক্ষিণ দিক দিয়া ঘুরাইয়া আনিয়া “হে জন্মদাতা সর্বদেবময় পিতঃ ! এই ধূপ আপনাকে অর্পণ করিলাম ।” বলিয়া উহা পিতার বামে রাখিয়া দিলেন ।

তিনি দীপ হাতে লইয়া ঘণ্টা বাজাইতে বাজাইতে উহা পিতার দক্ষিণ দিক দিয়া চক্ষু পর্য্যন্ত তুলিয়া বাম দিক দিয়া ঘুরাইয়া আনিয়া “হে জন্মদাতা সর্বদেবময় পিতঃ ! এই দীপ আপনাকে অর্পণ করিলাম ।” বলিয়া উহা পিতার দক্ষিণদিকে রাখিয়া দিলেন ।

খাদ্যদ্রব্য সহ খাদ্য পিতার সম্মুখে রাখিয়া বলিলেন, “হে জন্মদাতা সর্বদেবময় পিতঃ ! এই নৈবেদ্য আপনাকে অর্পণ করিলাম ।”

এক গেলাস জল পিতার সম্মুখে রাখিয়া তিনি বলিলেন, “হে জন্মদাতা সর্বদেবময় পিতঃ ! এই পানীয়-জল আপনাকে অর্পণ করিলাম ।”

পান সহ ডিবে পিতার সম্মুখে রাখিয়া তিনি বলিলেন, “হে জন্মদাতা সর্বদেবময় পিতঃ ! এই তাঁতুল আপনাকে অর্পণ করিলাম ।”

পিতার পদ মস্তকে স্পর্শ করাইয়া হৃদয়ে ধারণ করিয়া বলিলেন, “পিতাই স্বর্গ, পিতাই ধর্ম, পিতাই পরমতপ । পিতা প্রীত হইলে সর্বদেবতাই প্রীত হইয়া থাকেন ।” এইরূপে পিতাকে প্রণাম করিয়া ধর্মব্যাধ হাতযোড় করিয়া পিতার স্তব পাঠ করিলেন—

“হে পিতঃ জন্মদাতা সর্বদেবময় ! হে সুখদ প্রসন্ন সুপ্রীত মহাত্মা ! হে করুণাসাগর ! আপনি সর্বযজ্ঞের স্বরূপ, স্বর্গ পরমেষ্টি এবং সর্বতীর্থ দর্শনের কল, আপনাকে নমস্কার । হে সদাশুভোষ শিবরূপ ! আপনাকে নমস্কার । হে সদাপরাধ-কমাকারী সুধরূপ সুখদাতা ! আপনার কৃপায় এই দুর্লভ মানুষ-

জন্ম প্রাপ্ত হইয়া আমি ধর্মকার্যোপযোগী হইয়াছি । হে পিতঃ । আপনাকে বার বার নমস্কার । আপনার দর্শনই আমার তীর্থ-
নান, তপ, হোম ও জপ । হে মহাগুরু গুরু পিতঃ ! আপনাকে
নমস্কার । কোটি কোটি পিতৃতর্পণ এবং শত শত অশ্বমেধ
যজ্ঞের ফল আপনার স্তবপাঠ ও আপনাকে প্রণাম করিলেই
হয়, হে পিতঃ ! আপনাকে বার বার নমস্কার করি” । “পিতার
এই স্তব প্রত্যহ প্রাতে, পিতৃশ্রাদ্ধ দিনে, নিজের জন্ম দিনে
এবং সাক্ষাৎ পিতার অগ্র্যে দাঁড়াইয়া যিনি পাঠ করেন জগতে
ঠাঁহার দুর্লভ কিছু থাকে না । তিনি সর্বজন্ম লাভ করেন ।
পুত্র নানা অপকর্ম করিয়াও এই পিতৃ-স্তব পাঠ করিলে সর্ব-
পাপমুক্ত হইয়া সুখী হয় এবং নিত্য পিতার প্রীতিকর হইয়া
সর্ব কর্মক্ষম হয় ।’

তিনি এইরূপে পিতার স্তব পাঠ করিয়া হাতযোড় করিয়া
বলিলেন, “হে পিতৃদেব ! আপনি আজ্ঞা করুন, আমি মাতৃ-
পূজা করিব ।” তখন ঠাঁহার পিতা ‘তথাস্তু’ বলিলে তিনি মাতৃ-
পূজা করিতে আরম্ভ করিলেন ।

ধর্মব্যাধ ক্রোড়ে হস্তদ্বয় রাখিয়া নয়ন মুদ্রিত করিয়া গাতার
মূর্ত্তি হৃদয়ে দেখিতে দেখিতে ধ্যান পাঠ করিলেন—“দশেন্দ্রিয়
যুতা, স্থূল দেহের উৎপাদিকা, বরাভয়করা, শুভাগর্ভধাত্রীকে ধ্যান
করি ।” তারপর “ওমা গর্ভধাত্রী ত্রিভুবনশ্রেষ্ঠা মাতা ! তোমাকে
এই ক্ষিতি রূপ গন্ধ অর্পণ করিলাম ।” এবং এইরূপে ‘আকাশ-
রূপ পুষ্প,’ ‘বায়ুরূপ ধূপ,’ ‘তেজরূপ দীপ’ এবং ‘অপরূপ নৈবেদ্য’
মনে মনে মাকে দিয়া মায়ের মানসপূজা করিলেন । “সর্বভূত-
দূরকারিণী নির্দোষা মহামায়া দয়াদ্র-হৃদয়া শিবা ধরিত্রী জননী

মাতা ! তোমাকে নমস্কার ।” বলিয়া মাকে মনে মনে প্রণাম করিলেন ।

তিনি একটা ফুল স্বীয় বক্ষের নিকট ধরিয়া আবার ধ্যান পড়িলেন ও ফুলটা তাম্রকুণ্ডে রাখিয়া ‘বাহুপূজা’ আরম্ভ করিলেন ।

মাতার সম্মুখের বাটার উপর মাতার বামপদ ধীরে ধীরে আনিয়া রাখিলেন এবং ঘটা হইতে জল ঢালিয়া “গর্ভ-ধাত্রী ত্রিভুবনশ্রেষ্ঠা মাতা ! তোমাকে এই পাণ্ডু অর্পণ করিলাম” বলিতে বলিতে পদধৌত করিয়া গামছার দ্বারা ভাল করিয়া মুছিয়া দিলেন ।

উক্ত বাক্যে তিনি মাতাকে অর্ঘ্য, আচমনীয়, গন্ধ, পুষ্প, ধূপ, দীপ, নৈবেদ্য, পানীয় জল এবং তাহুল প্রদান করিলেন । পিতৃ পূজায় যেরূপভাবে ঐ সমস্ত দ্রব্য পিতাকে দিয়াছিলেন এখনও সেইরূপ ভাবেই মাতাকে ঐ সমস্ত দ্রব্য দিলেন । তিনি মাতার পদ মস্তকে ধারণ করিয়া হৃদয়ে স্পর্শ করাইয়া বলিলেন, “সর্বহুঃখদূরকারিণী নির্দোষা মহামায়া দয়ার্দ্ৰ-হৃদয়া শিবা ধরিত্রী জননী মাতা ! তোমাকে নমস্কার ।”

ধর্ম্মব্যাধ হাতযোড় করিয়া মায়ের স্তব পড়িলেন—

“যথা গঙ্গার সমান তীর্থ নাই, বিষ্ণুর সমান প্রভু নাই, এবং শিবের সমান পূজ্য নাই, মা ! তথা তোমার সমান গুরু নাই । মা ! মাতা, ধরিত্রী, জননী, দয়ার্দ্ৰহৃদয়া, শিবা, ত্রিভুবনশ্রেষ্ঠা, নির্দোষা, সর্বহুঃখহা, আরাধনীয়, পরমা, দয়া, শান্তি, ক্রমা, ধৃতি, স্বাহা, স্বধা, গৌরী, পদ্মা, বিজয়া, জয়া এবং হুঃখহন্ত্রী, তোমার এই একবিংশতি নাম শুনিলে বা শুনাইলে মানব সর্ব-হুঃখ হইতে মুক্তিলাভ করেন ।”

সুব পাঠান্তে “হে পিতঃ ! হে মাতঃ ! আপনারা আমার অপরাধ কমা করুন ।” বলিয়া একটু জল পিতা ও মাতার মধ্যবর্তী তাম্রকুণ্ডে দিলেন ।

তখন পিতামাতা ‘তথাস্তু’ বলিলে তিনি তাম্রকুণ্ডে হইতে দুইটা ফুল লইয়া আঘ্রাণ করিতে করিতে পিতামাতার মূর্তি হৃদয়ে দেখিয়া উহা ঈশানকোণে ফেলিয়া দিলেন ।

ধর্মব্যাধ হস্তদ্বয় উর্দ্ধে তুলিয়া বলিলেন, “হে পিতৃগণ ! আমার বিত্ত নাই, আমার ধন নাই এবং শ্রদ্ধ উপযুক্ত দ্রব্যও কিছু নাই, আমি ভক্তির সহিত আপনাদিগকে প্রণাম করিয়া উর্দ্ধবাহ হইয়াছি, আপনারা তৃপ্তিলাভ করুন ।”

তারপর পিতামাতার পদধৌত জল তাঁহাদের সম্মুখস্থ বাটীদ্বয় হইতে গ্রহণ করিয়া—“সদ্য পুণ্যফলপ্রদ সর্বপাপনাশক সর্বমঙ্গলের কারণ, সর্বদুঃখবিনাশক, সর্বশত্রুনাশক, সর্ব ভোগপ্রদ এবং সর্বতীর্থের ফলদাতা চরণামৃত মাথায় ধারণ করি”—বলিয়া মাথায় দিলেন এবং “মহাপাপী বা শতশত রোগাক্রান্ত ব্যক্তিও পিতামাতার চরণামৃত পান করিলে মুক্তিলাভ করে সন্দেহ নাই” বলিয়া পান করিলেন ।

ধর্মব্যাধ এইরূপে পিতামাতার পূজা সমাপ্ত করিয়া কৌশিককে বলিলেন,—“হে ব্রাহ্মণ ! এই পিতামাতাই আমার পরম-দেবতা । ইহাদিগকে পুষ্প গন্ধ ও আহারাদি দ্বারা আমি সর্বদাই পরিতুষ্ট করিয়া থাকি । হে দ্বিজ ! আমি স্বয়ং পিতামাতাকে স্নান করাই, স্বয়ং তাঁহাদের পাদ প্রক্ষালন করি এবং স্বয়ংই ভোজ্য প্রদান করি । পিতামাতার প্রিয়কার্য সাধনকেই শ্রেষ্ঠ ধর্ম জ্ঞান করিয়া আমি তাহার সর্বদা অনুষ্ঠান করি ।

কৌশিক এ যাবৎ কাল নীরবে ধর্মব্যাধের সকল কর্ম দর্শন করিতেছিলেন। ধর্মব্যাধের বাক্য শেষ হইলে তিনি ভাবে বিহ্বল হইয়া অশ্রু-বিসর্জন করিতে করিতে বলিলেন, “হে যত্ন-ব্রত ধর্মজ্ঞ ! অদ্য আমার জন্ম সফল হইল। অদ্য আমার দেহ মন বাক্য পবিত্র হইল। হে ধর্মব্যাধ ! আমার উপায় কি হইবে ?” ধর্মব্যাধ কহিলেন, “হে দ্বিজসন্তম ! আপনি সত্বর গৃহে গমন করুন এবং সর্বকর্ম পরিত্যাগ করিয়া প্রত্যহ আপনার পিতামাতার পূজা করিতে আরম্ভ করুন। তাহা হইলেই আপনার অভীষ্ট সিদ্ধ হইবে।”

কৌশিক বলিলেন, “হে ব্যাধশ্রেষ্ঠ ! আপনার মঙ্গল হউক। আমি অগ্নই স্বদেশে গমন করিব।” এই বলিয়া কৌশিক ধর্ম-ব্যাধকে শত সহস্র ধন্যবাদ প্রদান করিয়া স্বগৃহাভিমুখে যাত্রা করিলেন।

কৃতবোধ ও তুলাধার ।

পুরাকালে তপোদেব নামে এক গৃহস্থ ব্রাহ্মণ ছিলেন। তাঁহার কৃতবোধ নামে এক পুত্র ছিল। কৃতবোধের চিত্ত তপস্যা প্রিয় ছিল। কৃতবোধ পিতামাতার অমতে তপস্যার জন্য অভিলাষী হইলে তপোদেব তাহাকে বলিয়াছিলেন, “হে পুত্র ! গার্হস্থ্য ধর্মে থাকিয়া পিতৃমাতৃ-পূজা, তাঁহাদের সেবা, অতিথি সংকার এবং অভ্যস্ত বিদ্যার অনুশীলন কর, তাহাতেই তোমার অভীষ্ট সিদ্ধ হইবে।” তিনি পুনঃ পুনঃ এইরূপ বলিলেও কৃত-বোধ তাঁহার কথা অবহেলা করিয়া বনে গিয়াছিলেন।

কৃতবোধ সমুদ্রতীরে গমন করিয়া ছাদশ বৎসর কাল কঠোর তপস্যা করিয়া আপনাকে সিদ্ধতাপস মনে করিলেন এবং তপো গর্বিত হইয়া বনে বনে ভ্রমণ করিতে লাগিলেন । একদিন সমুদ্রে স্নান করিতে যাইবার পথে এক উড্ডীন বক তাঁহার দেহে মলতাগ করিল । কৃতবোধ সক্রোধে বকটীর প্রতি দৃষ্টিনিক্ষেপ করায় বকটী ভূমে পড়িয়া মরিল । ইহাতে কৃতবোধের গর্ব আরও বৃদ্ধি হইয়াছিল ।

অহঙ্কারী কৃতবোধ এক দিন মধ্যাহ্নকালে এক ব্রাহ্মণের গৃহে অতিথিরূপে উপস্থিত হইলেন । সেই গৃহে গৃহস্বামীর পুত্র তাহার নিদ্রিত পিতার পদদ্বয় স্বীয় উরুদেশে রাখিয়া পদসেবা করিতেছিলেন । বালক অতিথি দেখিয়াও কোন কথা কহিল না, অবলোকন করিয়া কৃতবোধ সক্রোধে বলিলেন—“হে ব্রাহ্মণ-পুত্র ! তোমার গৃহে কি ধর্ম নাই ? অভ্যাগত ব্রাহ্মণ তোমার প্রাক্ষণে দাঁড়াইয়া থাকাতেও তুমি তাহার কোনরূপ অত্যাচার করিতেছ না । অতিথি যাহার গৃহ হইতে নিরাশ হইয়া ফিরিয়া যায়, সে তৎক্ষণাৎ সর্বপুণ্যবিহীন হইয়া পাপভাগী হয় । যে গৃহে অতিথিসেবা হয় না, সে গৃহ ঋপচজাতির বাসস্থলরূপ অরণ্যমাত্র । অতিথিকে যথাযোগ্য সেবা করিবে, অন্ততঃ মিষ্টবাক্য দ্বারাও তুষ্ট করিবে । হে কুমার ! আমি তোমাকে অভিশাপ দিয়া গমন করিব ।”

ব্রাহ্মণতনয় উহা শুনিয়া বলিলেন, “অতিথি ! আমার প্রতি আপনি কেন ক্রোধ দৃষ্টিক্ষেপ করিতেছেন ? অতিথিরা ভূতলে ধর্মরূপে বিচরণ করিয়া থাকেন তাহা আমি জানি । কিন্তু আমি পিতার অধীন ও আজ্ঞাবাহক । আমি বাহা উপার্জন করি,

তৎসমস্তই আমার পিতার। আমার আপন বলিতে কেবল পিতামাতাকেই জানি, আর যত সমস্তই পিতামাতার। ভাৰ্যা, পুত্র এবং ভৃত্যের সকল কার্যই তাহাদের স্ব স্ব প্রভুর বঙ্গজনক। আপনি অতিথি বাচ্য হইলে, আমার পিতার অতিথি। আমার পিতা নিদ্রাগত ; পিতার নিদ্রাভঙ্গ করা আমার অধর্ম। পরন্তু আপনি অতিথির উপযুক্ত না। কারণ আপনি একটা বকপক্ষীকে মারিয়া সেই দণ্ডে বিচরণ করিতেছেন। হে তাপস! আমি বক নই যে আমাকে মারিবেন। আমি পিতৃ-মাতৃ-পূজাকারী ব্রাহ্মণ-নন্দন, আমাকে অভিশাপ দিলে আপনিই অভিশপ্ত হইবেন।”

ব্রাহ্মণাশ্বজের তেজঃপূর্ণ বাক্য শ্রবণ করিয়া কৃতবোধ একে-বারে হতগর্ষ হইয়া বলিলেন, “হে বিজস্বনু! আমি ভিন্ন দ্বিতীয় ব্যক্তির অবিদিত আমার সেই বক-নিধন সংবাদ তুমি কিরূপে জানিলে? এই অপূর্ণ জ্ঞান তোমার কিরূপে লাভ হইল? আমি ছাদশ বৎসর কাল দেহকে নানারূপ ক্লিষ্ট করিয়াও যে জ্ঞান প্রাপ্ত হই নাই, তুমি এই অল্প বয়সে গৃহে বসিয়া কিরূপে তাহা লাভ করিলে?” অগ্রজনাশ্বজ বলিলেন, “হে তপস্বী! পিতৃমাতৃ পূজার ফলেই আমার এই ভূত-ভবিষ্যৎ জ্ঞান জন্মিয়াছে। আপনি বারানসীতে তুলাধার ব্যাধের নিকট গমন করুন, তিনি আপনাকে পিতৃমাতৃ পূজার উপদেশ দিবেন।”

বিপ্রপুত্র এইরূপ বলিলে কৃতবোধ তৎক্ষণাৎ কাশী যাইবার জন্য প্রস্তুত হইলেন। কিন্তু গৃহস্থ ব্রাহ্মণ জাগ্রত হইয়া যথা-শক্তি অভ্যাগত কৃতবোধের পূজা করিলেন এবং স্বীয় নিদ্রাজনিত অপরাধের ক্ষমা প্রার্থনা করিয়া সেই দিবস তাঁহাকে নিজ গৃহে

রাখিলেন । পরদিবস প্রাতঃকালে কৃতবোধ গৃহী ও তাঁহার পুত্রের নিকট ক্ষমা প্রার্থনা করিয়া তাঁহাদিগকে শত শত ধন্যবাদ দিয়া বারাণসী যাত্রা করিয়াছিলেন ।

কৃতবোধ বহু পর্য্যটনের পর বারাণসীতে পৌঁছিয়া দেখিলেন, তুলাধার সস্ত্রীক হট্টে মাংস বিক্রয় করিতেছেন । অথচ তাঁহারা ধর্ম্মতেজে জাজ্জল্যমান । কৃতবোধ তুলাধারের বিপণির একপার্শ্বে দাঁড়াইয়া তাঁহাদের মাংস বিক্রয় দেখিতে লাগিলেন । তুলাধার ব্রাহ্মণকে দেখিয়া বলিলেন, “হে দ্বিজ কৃতবোধ ! সেই ব্রাহ্মণকুমারের বাক্যে অভিমান ত্যাগ করিয়া এবং তাহার দ্বারা আমার নিকটে গ্রেহিত হইয়া আপনি সুখে আসিয়াছেন ত ? আপনার তপোমদ তিনি দূর করিয়াছেন, আমি আপনাকে সহজ ধর্ম্ম পথ দেখাইয়া দিব । আপনি আমার গৃহে আসুন । আপনি আমার অতিথি ।” পরম বিষয়ে নির্বাক কৃতবোধ সাধুধর্ম্মী ব্যাধের সঙ্গে সঙ্গে তাঁহার গৃহে গমন করিয়াছিলেন ।

যুগজীবনের সুন্দর গৃহ নানা শোভায় শোভিত ছিল । পিতৃমাতৃভক্ত লুক্ক সহধর্ম্মিণী সমভিব্যাহারে মাতাপিতাকে প্রণাম করিয়া তাঁহাদের সম্মুখে দণ্ডায়মান রহিলেন । তদ্রূপে অবস্থিত ধার্ম্মিকশ্রেষ্ঠ পুত্র তুলাধারকে তাঁহার পিতা আনন্দিত হইয়া বলিলেন, “হে পুত্র স্বকর্ম্ম করিয়া অতিথি সেবা কর ।”

তুলাধার পিতার আজ্ঞা প্রাপ্ত হইয়া পিতামাতার পূজা করিলেন এবং তাঁহাদের আবশ্যকীয় কর্ম্ম নির্বাহের জন্ত পত্নীকে নিযুক্ত করিয়া জিজ্ঞাসু কৃতবোধের নিকটে বসিলেন । কৃতবোধ তুলাধারকে উপবিষ্ট দেখিয়া বলিলেন, “হে তুলাধার ! আপনার অসামান্য জ্ঞান দর্শনে আমি আশ্চর্য্য হইয়াছি ! যে পথ অব-

লখন করিয়া আপনি উহা লাভ করিয়াছেন তাহা আমাকে বলুন।” ব্যাধ বলিলেন, “হে বিপ্র! কেবল পিতৃ-মাতৃ পূজা করিয়াই আমি উহা পাইয়াছি।”

পিতৃ-মাতৃ পূজার ফলে মানব সর্বজ্ঞত্ব এবং অতুল ধনজন-সুখ লাভ করে। আপনি শ্রবণ করুন, আমি যথাশাস্ত্র পিতৃ-মাতৃ পূজার নিয়মাদি বলিতেছি।

পিতৃ-মাতৃ পূজা ।

যে কোন মাসে নিজের জন্মবারে পিতৃ-মাতৃ পূজা আরম্ভ করিতে হয়। যাহারা জন্মবার জ্ঞাত নহেদ তাঁহারা রবিবারে পূজা আরম্ভ করিবেন। পূজা আরম্ভ করিয়া দৈনিক পূজা করা বিধান। যাহাদের দৈনিক অবসর সম্ভব নয় তাঁহারা সপ্তাহে আরম্ভ বারে, যাহাদের সপ্তাহে সম্ভব নয় তাঁহারা প্রতি মাসের যে কোন আরম্ভ বারে এবং যাহাদের তাহাও সম্ভব নয় তাঁহারা বার্ষিক আরম্ভ বারে পূজা করিবেন। পিতা মাতা জীবিত না থাকিলে বার্ষিক তাঁহাদের মৃত্যুদিনেও এই পূজা করণীয়। সাক্ষাৎ পিতা মাতাকে বসাইয়া পূজা করা সর্বশ্রেষ্ঠ। তাহা সংঘটন না হইলে তাঁহাদের মূর্তি (ফটো) আসনে রাখিয়া পূজা করিতে হয়। একজনকে যদি সাক্ষাৎ পাওয়া যায় এবং আর এক জনের অভাব হয় তাহা হইলে সাক্ষাৎ জনের পার্শ্বে আর এক জনের মূর্তি রাখিয়া পূজা করা যায়। যদি উভয়ের অভাব হয় এবং মূর্তিও না থাকে তাহা হইলে মানস পূজার পুশ আসনের উপর রাখিয়া পূজা করিতে হয়। যদি একজনের মূর্তি থাকে এবং অপরের মূর্তির

অভাব হয়, তাহা হইলে ঐ মূর্তির পার্শ্বে অপরের মানস পূজার ফুলটী বসাইয়া পূজা করিতে হয়। ইচ্ছা হইলে শিব লিঙ্গের উপরও পিতৃমাতৃ পূজা করিতে পারা যায়। বিবাহিত ব্যক্তিদের সঙ্গীক পূজা করাই শ্রেয়ঃ।

পিতৃমাতৃ পূজার আবশ্যকীয় দ্রব্য ।

- ১। পিতামাতা বা পিতামাতার মূর্তি (ফটো) বা শিবলিঙ্গ ।
- ২। আসন তিনখান (সঙ্গীক পূজা করিলে চারিখান) ।
- ৩। এক ঘণ্টা জল ও এক জোড়া কোশাকোশী (সঙ্গীক পূজা করিলে দুই জোড়া) ।
- ৪। একটী শাখে জল, ফুল, চন্দন, দুর্কা, তিল, কুশ, আতপ চাউল, যব এবং সর্ষপ । (ইহাদের মধ্যে যত যোগাড় হয়)
- ৫। একটী তাম্রকুণ্ড এবং সাক্ষাৎ পিতা মাতার পূজা করিলে পা ধোয়াইবার জন্ত দুইটী বাটী ।
- ৬। একটী ঘণ্টা, একটী ধুনচী, এবং একটী প্রদীপ ।
- ৭। একখান থালায় ফুল, চন্দন, আতপ চাউল, দুর্কা, তুলসী এবং বিষ্ণুপত্র । (ইহাদের মধ্যে যত যোগাড় হয়)
- ৮। দুইখান থালায় (যথাসাধ্য) উপাদেয় খাদ্যদ্রব্য, দুই গেলাস জল এবং দুটী ডিবেতে পান ।

পূজার দ্রব্য অর্পণ বিধি ।

পিতামাতার আসনঘরের সম্মুখে মধ্যস্থানে তাম্রকুণ্ডটী রাখিয়া তাহাতে পূজার দ্রব্যাদি প্রদান করিতে হয়। বামহস্তে দক্ষিণ কনুই স্পর্শ করিয়া দক্ষিণ হস্তে পূজার দ্রব্য দিতে হয়।

১। পাদ্য—

সাক্ষাৎ পূজায় পা ধোয়াইয়া দিতে হয়। মূর্তিতে, ফুলে বা শিব-
লিঙ্গে পূজা করিলে পদের উদ্দেশে জল তাম্বকুণ্ডে দিতে হয়।

২। অর্ঘ্য—

পূর্বকথিত শঙ্খটী পিতামাতার মাথায় স্পর্শ করাইতে হয়।
শঙ্খের সংগ্রহ না হইলে দুর্কা ও চাউল মাথায় স্পর্শ করাইয়া
তাম্বকুণ্ডে ফেলিতে হয়। ফুলে বা শিবে পূজা হইলে মাথায়
উদ্দেশে প্রদান করিতে হয়।

৩। আচমনীয়—

হাতে একটু জল লইয়া পিতা মাতার "ওষ্ঠদ্বয় ধুইয়া দিতে
হয়। মূর্তিতে, ফুলে বা শিবলিঙ্গে পূজা হইলে মুখের উদ্দেশে
জল তাম্বকুণ্ডে দেয়।

৪। গন্ধ—

সাদা চন্দন নাসিকার নিকট একটু ধরিয়া কপালে দিয়া
দিতে হয়। ফুলে বা শিবে পূজা হইলে কপালের উদ্দেশে তাম্ব-
কুণ্ডে দেয়।

৫। পুষ্প—

ফুলদ্বারা সাজাইতে হয়। ফুলে বা শিবে পূজা হইলে ফুল
তাম্বকুণ্ডে দিতে হয়।

৬। ধূপ—

বাম হাতে ঘণ্টা বাজাইয়া দক্ষিণ হাতে ধূপ লইয়া ধীরে ধীরে
পিতামাতার বামদিক দিয়া নাসিকা পর্য্যন্ত তুলিয়া দক্ষিণ দিক
দিয়া ঘুরাইয়া আনিয়া তাঁহাদের বামে রাখিতে হয়। ফুলে
বা লিঙ্গে পূজা হইলে উদ্দেশে ঐরূপ করণীয়।

৭। দীপ—

বাম হাতে ঘণ্টা বাজাইয়া দক্ষিণ হাতে দীপ লইয়া ধীরে ধীরে পিতামাতার দক্ষিণ দিক দিয়া চক্ষু পর্য্যন্ত তুলিয়া বাম-দিক দিয়া ঘুরাইয়া আনিয়া তাঁহাদের দক্ষিণে রাখিতে হয়। অসাক্ষাৎ পূজার উদ্দেশে ঐরূপ করণীয়।

৮। নৈবেদ্য—

দুই হস্তে ভোজ্য সহ খালা ধরিয়া পিতামাতার হস্তে দিতে হয়। অসাক্ষাৎ পূজার ঐরূপ খালা ধরিয়া মনে মনে চিন্তা করিতে হয় যে, তাঁহারা আহাৰ করিয়া প্রীত হইলেন।

৯। পানীয় জল—

গেলাস সহ জল দুই হাতে ধরিয়া পিতামাতার হস্তে দিতে হয়। অসাক্ষাৎ পূজার পূর্বরূপ চিন্তা করিতে হয়।

১০। তাবুল—

ডিবে সহ পান পূর্ব প্রণালীতে দিতে হয়।

পিতৃ-মাতৃ পূজার অঙ্গ ।

- | | |
|---------------------------|----------------------------------|
| ১। আচমন। | ৯। গুরু, গঙ্গা, সূর্য্য, চন্দ্র, |
| ২। সঙ্কল্প। | এবং বহি আদি প্রত্যক্ষ |
| ৩। আসন শুদ্ধি। | দেবতাদের গন্ধপুষ্প দান। |
| ৪। সামাগ্ণার্থ্য স্থাপন। | ১০। পিতৃ-পূজা। |
| ৫। ভূতাপসারণ। | ১১। মাতৃ-পূজা। |
| ৬। করশুদ্ধি। | ১২। পিতৃলোকের তুষ্টি সাধন |
| ৭। পূজাদ্রব্য শুদ্ধি। | ও পিতামাতার চরণামৃত |
| ৮। গণেশকে গন্ধ পুষ্প দান। | পান। |

প্রত্যহ প্রাতে পিতামাতাকে স্মরণ করিয়া এবং সময় থাকিলে তাঁহাদের মানস পূজা করিয়া স্তবাদি পাঠান্তে শয্যা-
ত্যাগ করিতে হয়। তারপর আহারের পূর্বে পিতৃ-মাতৃ পূজা
করিতে হয়। সায়াছে অবসর থাকিলে মানস পূজা করিতে
হয় এবং রাত্রে শয়নের জন্ত শয্যায় গমন করিয়া পিতামাতাকে
স্মরণ করিয়া তাঁহাদের স্তব পাঠ ও প্রণাম করিয়া নিদ্রা যাইতে
হয়।

হে কৃতবোধ! এইরূপে নিত্য পিতৃ-মাতৃ পূজা করিলে পূজ-
কের অচিরে বাসনা পূর্ণ হয়। এখন আপনাকে পূজার মন্ত্রাদি
সমস্ত বলিব, আপনি মনোযোগ পূর্বক শ্রবণ করুন।

সন্তান পিতামাতার নিকট জানু পাতিয়া বসিয়া বলিবেন,
“হে প্রত্যক্ষ দেবতাদ্বয়! আপনারা আজ্ঞা করুন আমি আপ-
নাদের পূজা করিব।” পিতামাতা ‘তথাস্তু’ বলিলে দুইখান
আসন বিছাইয়া তাঁহাদিগকে দক্ষিণ মুখ করিয়া বসাইয়া নিজের
(পত্নীসহ পূজা করিলে উভয়ে) আসন বিছাইয়া উত্তর মুখ হইয়া
বসিবেন।

মূর্তিতে, ফুলে বা শিবে পূজা করিলে পিতামাতার উদ্দেশে
জানু পাতিয়া বসিয়া ঐরূপ বলিবেন এবং তাঁহারা ‘তথাস্তু’ বলি-
লেন চিন্তা করিয়া আসন দুইখান বিছাইবেন। মূর্তিতে পূজা
হইলে মূর্তি দুইখান আসনের উপর রাখিবেন। ফুলে পূজা
হইলে এখন কেবল আসন পাতিয়া রাখিবেন। তারপর
মানস পূজার ধ্যান পাঠকালীন যে ফুল গ্রহণ করিয়া ধ্যান
পড়া হইবে সেই ফুল ঐ আসনের উপর রাখিতে হইবে। আসন
দুইখানার সম্মুখে মধ্যস্থানে তাম্রকুণ্ডলী রাখিবেন। শিবে পূজা
১১৮-৭ / ০৫, ১৬/১১/১৩ ৬৮

করিলে শিবটী এই তাম্রকুণ্ডে বসাইবেন । বাটী দুইটী আসন
ছইখানার সম্মুখে রাখিবেন । সঙ্গীক পূজার পতি যাহা করিবেন,
পত্নীও তাহাই করিবেন ।

আচমন—

‘নমো বিষ্ণুঃ’ বলিয়া তিন বিদু জল দক্ষিণ হাতে লইয়া
তিনবারে পান করিতে হয় ।

সকর—

দক্ষিণহাতে কোণীতে একটু জল ও তিল লইয়া বলিতে হয়,
“নমো বিষ্ণুঃ । অদ্য সর্বদেবতাপ্রীতয়ে অতুলসুখসম্পদ-লাভ-
কামো মাতাপিতরৌ অহং পূজয়িষ্যে ।” তারপর জলটুকু
ঈশানকোণে ফেলিয়া দিবেন ।

আসন শুদ্ধি—

লালচন্দন দ্বারা নিজের আসনের নীচে একটী ত্রিভুজ আঁকিয়া
তাহাতে “এতে গন্ধপুষ্পে আধার শক্তাদিত্যো নমঃ”
বলিয়া একটী গন্ধপুষ্প (চন্দনমাখান ফুল) দিতে হয় ।
আসন ধরিয়া বলিতে হয়, “অস্য আসনোপবেশনমন্ত্রস্য
ষেকপৃষ্ঠ ঋষিঃ সূতলং ছন্দঃ কুর্শ্বোদেবতা আসনোপবেশনে
বিনিরোগঃ ।”

হাতঘোড় করিয়া বলিতে হয় ।

পৃথিবীয়া ধৃতালোকা দেবি ত্বং বিষ্ণুনা ধৃতা ।

ত্বৎধারয় মাং নিত্যং পবিত্রং কুরু চাসনং ॥

তারপর আসনের উপর একটী ত্রিভুজ আঁকিয়া “এতে গন্ধ-
পুষ্পে আধার শক্তয়ে কমলাসনার নমঃ” বলিয়া তাহাতে
একটী গন্ধপুষ্প দিবেন ।

সামান্যার্থ্য স্থাপন (জলতুচ্ছ)—

নিজের বামদিকে ভূমিতে চন্দন দ্বারা একটি ত্রিকোণ আঁকিয়া তাহাতে “এতে গন্ধপুষ্পে আধার শক্ত্যাভিভ্যো নমঃ” বলিয়া একটি গন্ধপুষ্প দিতে হয়। কোশা ধুইয়া ঐ ত্রিকোণের উপর রাখিয়া কোশাতে জল দুর্কা তুলসী বিষপত্র চন্দন ফুল ও আতপ চাউল দিতে হয়। তারপর দক্ষিণ হস্তের মধ্য আঙ্গুলকে * তর্জনির মধ্যপর্কে যোগ করিয়া ঈষৎ বক্র করিবেন এবং মধ্যমার আকৃষিত পৃষ্ঠ ভাগ দ্বারা জল আলোড়ন করিয়া বলিবেন,—

গন্ধে চ যমুনে চৈব গোদাবরি সরস্বতি ।

নর্ষদে সিদ্ধ কাষেরি জলেহ্মিন্ সন্নিসিং কুরু ॥

ভূতাপসারণ—

বামহাতে ঘণ্টা বাজাইতে বাজাইতে দক্ষিণ হাতে গুটিকত আতপ চাউল ছড়াইতে ছড়াইতে বলিতে হয়।

অপসর্পন্ত তে ভূতা যে ভূতা ভূবি সংস্থিতাঃ ।

যে ভূতা বিয়কর্তারস্তে নশ্যন্ত শিবাঙ্করা ॥

করতুচ্ছ—

একটি লালফুলে চন্দন মাখাইয়া উহা উত্তর কর দ্বারা পেষণ

* “বক্ষীক মধ্যমাং কৃদ্বা তর্জনীমধ্যপর্কণি ।

সংযোজ্যাকুঙ্করেৎ কিঞ্চিন্মুত্রৈবাহুশসংস্থিকা ॥”

ইহাকে অঙ্গুল যুগ্মা বলে। ব্যবহার তর্জনীকে আকুঙ্কন করা। কিন্তু গোকে মধ্যমা-আকুঙ্কন বুঝায়। মধ্যমা তেজের পরিচায়ক। হেজ জ্বা পরি-
কারক। সুতরাং রোগ্যরোগই মুক্তিসঙ্গত জলতুচ্ছ কারক।

করিকের এবং একবার আত্মাণ করিয়া, ঈশানকোণে ফেলিয়া দিবেন ।

পূজাব্যাপ্তি—

“বং” বলিতে বলিতে শুদ্ধ জলের ছিটা পূজা দ্রব্যে দিয়া, সমস্ত অন্ততমর হইল চিত্তা করিতে হয় ।

গণেশকে গুরুপূজা—

“এতে গুরুপূজে গণেশায় নমঃ” বলিয়া গুরুপূজা তাত্রকুণ্ডে দিবেন ।

প্রত্যেক দেবতাপূজা—

প্রত্যেক মন্ত্রে এক একটা গুরুপূজা তাত্রকুণ্ডে দিবেন ।

“এতে গুরুপূজে শ্রীগুরুবে নমঃ ।”

“এতে গুরুপূজে গঙ্গারৈ নমঃ ।”

“এতে গুরুপূজে শ্রীসূর্যায় নমঃ ।”

“এতে গুরুপূজে চন্দ্রায় নমঃ ।”

“এতে গুরুপূজে বহুরৈ নমঃ ।”

পিতার মানসপূজা—

চক্ষু মুদ্রিত করিয়া বুকের নিকট একটা কুল ধরিয়া পিতার মূর্তি হৃদয়ে দেখিতে দেখিতে ধ্যান পাঠ করিয়া কুলটা পিতার আসনে রাখিবেন ।

ধ্যান—

মনইন্দ্রিয়সমায়ুতং সূক্ষ্মদেহবিধায়িনং ।

ধ্যানেৎ জগদাতারং মে অসিবংশিশুশুকরং ॥

মনে মনে পূজার দ্রব্যাদি দিবেন ।

ইমং ক্রিত্তিত্বঃ গন্ধঃ নমঃ পিত্রে জন্মদাত্রে

সৰ্বদেবময়্যায় নিবেদয়ামি ।

ইদং আকাশত্বঃ পুষ্পং নমঃ পিত্রে জন্মদাত্রে

সৰ্বদেবময়্যায় নিবেদয়ামি ।

ইমং বায়ুত্বঃ ধূপং নমঃ পিত্রে জন্মদাত্রে

সৰ্বদেবময়্যায় নিবেদয়ামি ।

ইমং তেজত্বঃ দীপং নমঃ পিত্রে জন্মদাত্রে

সৰ্বদেবময়্যায় নিবেদয়ামি ।

ইদং অপ্তত্বঃ নৈবেদ্যং নমঃ পিত্রে জন্মদাত্রে

সৰ্বদেবময়্যায় নিবেদয়ামি ।

মনে মনে প্রণাম করিবেন ।

পিতাম্বর্গঃ পিতাম্বর্ষুঃ পিতাহি পরমস্তুপঃ ।

পিতরি প্রীতিমাপন্নৈ প্রীয়ন্তে সৰ্বদেবতাঃ ॥

সাক্ষাৎ পিতামাতাকে পূজা করিলে আবাহন অনাবশ্যক ।
যদি একজন সাক্ষাৎ হয় এবং অপর জন অসাক্ষাৎ থাকেন
তাহা হইলে যিনি অসাক্ষাৎ তাঁহারই মাত্র আবাহন করিতে
হয় । উত্তর অসাক্ষাৎ হইলে উত্তরকেই আবাহন করিতে হইবে ।

আবাহন—

ইহাগচ্ছ ইহ তিষ্ঠ ইহ সন্নিধেহি পিতঃ ।

অধিষ্ঠানং কুরু অত্র মম পূজাং গৃহাণ চ ॥

বলিয়া চিন্তা করিবেন যে, পিতা আসিয়া আসনের উপর
(মূর্তি থাকিলে মূর্তির অভ্যন্তরে) বসিলেন ।

তখন “হে পিতঃ ! আজাগর মাতরং আবাহরামি” বলিবেন
এবং চিন্তা করিবেন যে, পিতা ‘তথাস্ত’ বলিলেন ।

মাতাকে আবাহন করিবেন । যথা—

ইহাগচ্ছ ইহ তিষ্ঠ ইহ সন্নিধেহি মাতঃ ।

অধিষ্ঠানং কুরু অত্র মম পূজাং গৃহাণ চ ॥

বলিয়া মাতা পিতার বামপার্শ্বে আসনে বসিলেন, চিন্তা করি-
বেন (মূর্তি থাকিলে তাহারি অভ্যন্তরে বসিলেন) ।

পিতার বাহুপূজা আরম্ভ করিবার পূর্বেই উভয়কে বা-
হ্যহার অভাব থাকিলে তাঁহাকে আবাহন করিয়া লইবেন ।
মাতা বর্তমানে পিতার আবাহন করিতে আজ্ঞা লইতে হইবে
না, কিন্তু পিতা বর্তমানে মাতার আবাহন করিতে পিতার
আজ্ঞা লইতে হইবে ।

বাহুপূজা—

পুনরায় পিতার ধ্যান পাঠ করিয়া দশোপচার পূজা করি-
বেন । যথা—

এতৎ পাদ্যং নমঃ পিত্রে অন্নদাত্রে সর্বদেবময়্যায় নমঃ ।

বলিতে বলিতে পিতার দক্ষিণপদ তাঁহার সম্মুখের বাটীটার
উপর রাখিয়া ঘটীর জলদ্বারা ধুইয়া গামছার দ্বারা ভাল করিয়া
মুছিয়া দিবেন ।

ইদং অর্ঘ্যং নমঃ পিত্রে অন্নদাত্রে সর্বদেবময়্যায় নমঃ ।

বলিতে বলিতে জল দুর্কা আতপচাউল ইত্যাদি সহ শঙ্খ
বা দুর্কাসহ কিছু আতপচাউল পিতার মাথায় স্পর্শ করা-
ইয়া তাম্রকুণ্ডে রাখিবেন ।

পিতৃ-মাতৃ পূজা

ইদং আচমনীয়ং নমঃ পিত্রে জন্মদাত্রে সৰ্বদেবময়্যায় নমঃ ।

বলিতে বলিতে একটু সামান্যার্থ্যের জলদ্বারা পিতার ওষ্ঠ-
দ্বয় ধুইয়া দিবেন ।

এষ গন্ধঃ নমঃ পিত্রে জন্মদাত্রে সৰ্বদেবময়্যায় নমঃ ।

বলিতে বলিতে একটু চন্দন পিতার নাসিকার নিকট এক-
বাব ধরিয়া উহা তাঁহার কপালে দিয়া দিবেন ।

এতৎ পুষ্পং নমঃ পিত্রে জন্মদাত্রে সৰ্বদেবময়্যায় নমঃ ।

বলিতে বলিতে ফুল দ্বারা পিতাকে সাজাইয়া দিবেন ।

এষ ধূপঃ নমঃ পিত্রে জন্মদাত্রে সৰ্বদেবময়্যায় নমঃ ।

বলিতে বলিতে বামহাতে ঘণ্টা বাজাইয়া ধূপ পিতার বামদিক
দিয়া নাসিকা পর্য্যন্ত তুলিয়া দক্ষিণদিক দিয়া ঘুরাইয়া আনিয়া
পিতার বামে রাখিবেন ।

এষ দীপঃ নমঃ পিত্রে জন্মদাত্রে সৰ্বদেবময়্যায় নমঃ ।

বলিতে বলিতে ঘণ্টা বাজাইয়া দীপ পিতার দক্ষিণদিক
দিয়া চক্ষু পর্য্যন্ত তুলিয়া বামদিক দিয়া ঘুরাইয়া আনিয়া পিতার
দক্ষিণদিকে রাখিয়া দিবেন ।

এতৎ নৈবেদ্যং নমঃ পিত্রে জন্মদাত্রে সৰ্বদেবময়্যায় নমঃ ।

বলিতে বলিতে উপাদেয় দ্রব্যাদি পিতাকে ভোজন করিতে
দিবেন ।

ইদং পানার্থং জলং নমঃ পিত্রে জন্মদাত্রে

সৰ্বদেবময়্যায় নমঃ ।

বলিতে বলিতে এক গেল্লাস জল দিবেন ।

ইদং তাষুলং নমঃ পিত্রে জন্মদাত্রে সৰ্বদেবময়্যায় নমঃ ।

বলিতে বলিতে ডিবেতে পান দিবেন ।

তারপর পিতার পদ মস্তকে স্পর্শ করাইয়া হৃদয়ে ধারণ করিয়া
বলিবেন—

পিতাস্বর্গঃ পিতাধর্ম্যঃ পিতাহি পরমস্তুপঃ ।

পিতরি প্রীতিমাপনে প্রীয়ন্তে সর্বদেবতাঃ ॥

এইরূপে পিতাকে প্রণাম করিয়া পিতার স্তব পাঠ করিবেন ।

নমঃ পিত্রে জন্মদাত্রে সর্বদেবময়ায় চ ।

সুখদায় প্রসন্নায় সুপ্রীতায় মহাশ্বনে ॥

সর্বযজ্ঞস্বরূপায় স্বর্গায় পরমেষ্ঠিনে ।

সর্বতীর্থাবলোকার করুণাসাগরায় চ ॥

নমঃ সদাশুতোষায় শিবরূপায় তে নমঃ ।

সদাপরাধক্ষমিণে সুখায় সুখদায় চ ॥

ছলভং মানুষমিদং যেন লব্ধং ময়া বপুঃ ।

সম্ভাবনীয়ং ধর্ম্মার্থে তস্মৈ পিত্রে নমোনমঃ ॥

তীর্থান্নানভপোহোমজপাদি ষম্য দর্শনং ।

মহাশুরোশ্চ গুরবে তস্মৈ পিত্রে নমোনমঃ ॥

ষম্য প্রণামস্তবনাং কোটীশঃ পিতৃতর্পণং ।

অশ্বমেধ শতৈশ্চল্যং তস্মৈ পিত্রে নমোনমঃ ॥

ইদং স্তোত্রং পিতুঃ পুণ্যং যঃ পঠেৎ প্রযতো নরঃ ।

প্রত্যহং প্রাতরুখায় পিতৃশ্রাদ্ধ দিনেহপি চ ॥

শুক্রায় দিবসে সাক্ষাৎ পিতুরগ্রে স্থিতোহপি বা ।

ন তস্য ছলভং কিঞ্চিৎ সর্বজ্ঞত্বাদি বাঞ্ছিতং ॥

নানাংকর্ম্ম কুত্বাপি যঃ স্তোতি পিতরং স্তুতঃ ।

স ক্রবং প্রবিধায়ৈব প্রায়শ্চিত্তং সুখী ভবেৎ ।

পিতুঃ প্রীতিকরো নিত্যং সর্বকর্ম্মাণ্যথার্থিতি ॥

স্তব পাঠান্তে মাতৃ-পূজার জন্য পিতার নিকট আজ্ঞা গ্রহণ করিবেন ।

“পিতঃ আজ্ঞাপন্ন মাতরং পূজয়ামি ।”

পিতা “তথাস্তু” বলিলে (বা বলিলেন চিন্তা করিয়া) মাতৃ-পূজা আরম্ভ করিবেন ।

মাতৃপূজার মানস পূজা হইতে আরম্ভ করিয়া পর পর সমস্তই পিতৃপূজার গ্রাম করিতে হয় ।

মানস পূজা—

বুকের নিকট একটা ফুল ধরিয়া নয়ন মুক্তিত করিয়া ধ্যান পড়িয়া ফুলটা মাতার আসনে রাখিবেন ।

দশেস্ত্রিয়সমায়ুতাং সুলদেহবিধায়িনীং ।

ধ্যয়েৎ গর্ভধাত্রীং জয়াং বরাভয়করাং শুভাং ॥ ’

মনে মনে পূজার দ্রব্যাদি অর্পণ করিবেন ।

ইমং কিত্যাত্মকং পঙ্কং নমো মাত্রে গর্ভধাত্রে

ত্রিভুবনশ্রেষ্ঠায়ৈ নিবেদয়ামি ।

ইদং আকাশাত্মকং পুষ্পং নমো মাত্রে গর্ভধাত্রে

ত্রিভুবনশ্রেষ্ঠায়ৈ নিবেদয়ামি ।

ইমং বায়ুাত্মকং ধূপং নমো মাত্রে গর্ভধাত্রে

ত্রিভুবনশ্রেষ্ঠায়ৈ নিবেদয়ামি ।

ইমং তেজস্বাত্মকং দীপং নমো মাত্রে গর্ভধাত্রে

ত্রিভুবনশ্রেষ্ঠায়ৈ নিবেদয়ামি ।

ইদং অগ্নীাত্মকং নৈবেদ্যং নমো মাত্রে গর্ভধাত্রে

ত্রিভুবনশ্রেষ্ঠায়ৈ নিবেদয়ামি ।

পিতৃ-মাতৃ পূজা।

৩৩

মনে মনে প্রণাম করিবেন।

মাতা ধরিত্রীজননী দয়ার্দ্ৰহৃদয়া শিবা।

ত্বাং নমামি মহামায়া নির্দোষা সৰ্বভূঃখহা ॥

বাহুপূজা—

পুনরায় ধ্যান পাঠ করিয়া মাতার দশোপচার পূজা করিবেন। পিতৃপূজা কালীন দ্রব্যাদি যেরূপ ভাবে পিতাকে দেওয়া হইতছিল, মাতৃপূজা কালীনও মাতাকে সেইরূপ ভাবে দ্রব্যাদি দেওয়া হইবে। কেবল পাদ্য দিবার সময় মাতার বামপদ ধুইয়া দিতে হইবে।

এতৎ পাদ্যং নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

ইদং অর্ঘ্যং নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

ইদং আচমনীয়ং নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

এষ গন্ধঃ নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

এতৎ পুষ্পং নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

এষ ধূপঃ নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

এষ দীপঃ নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

এতৎ নৈবেদ্যং নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

ইদং পানার্থং জলং নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

ইদং তাম্বুলং নমো মাত্রে গর্ভধাত্রে ত্রিভুবনশ্রেষ্ঠায়ৈ নমঃ।

মাতার পদ নিজের মাথায় স্পর্শ করাইয়া হৃদয়ে ধারণ করিয়া বলিবেন।

মাতা ধরিত্রীজননী দয়ার্দ্ৰহৃদয়া শিবা।

ত্বাং নমামি মহামায়া নির্দোষা সৰ্বভূঃখহা ॥

এইরূপে প্রণাম করিয়া হাতযোড় করিয়া স্তব পড়িবেন।

নাতি গঙ্গাসমং তীর্থং নাতি বিকুসমঃ প্রভুঃ ।
 নাতি শঙ্কুসমঃ পূজ্যো নাতি মাতৃসমো গুরুঃ ॥
 মাতা ধরিত্রীজননী দয়াজ্জকদয়া শিবা ।
 দেবী ত্রিভুবনশ্রেষ্ঠা নির্দোষা সৰ্বহুঃখহা ॥
 আরাধনীয়া পরমা দয়া শান্তিঃ কমাধৃতিঃ ।
 স্বাহা স্বধা চ গৌরী চ পদ্মা চ বিজয়াজয়া ॥
 হুঃখহৃত্তীতি নামানি মাতুরেকৈক বিংশতিম্ ।
 শৃণুয়াচ্ছ্রাবরেণ্যভ্যঃ সৰ্বহুঃখাদ বিমুচ্যতে ॥

তারপর "পিতঃ কমন্ব" "মাতঃ কমন্ব" বলিয়া একটু জল
 তাম্রকুণ্ডে দিবেন ।

উর্দ্ধবাহু হইয়া পিতৃলোকের তুষ্টির জন্য তাঁহাদের উদ্দেশে
 বলিবেন,—

“ন মেহন্তি বিত্তং ন ধনং ন চান্তচ্ছ্রাদস্য
 যোগ্যং স্বপিতৃন্নতোহস্মি ।
 ভূপাত্তভক্ত্যা পিতরো মরৈতৌ ভূজৌ
 ততো বস্ম নি মারুভস্য ॥”

অবশেষে পিতামাতার পদধৌত জল নিয়োক্তমন্ত্রে মাথায় ধারণ
 করিয়া পান করিবেন ।

সম্মঃফলপ্রদং পুণ্যং সৰ্বপাপবিনাশনং ।
 সৰ্বমঙ্গলমঙ্গল্যং সৰ্বহুঃখবিনাশনং ॥
 সৰ্বশত্রুপ্রশমনং সৰ্বভোগপ্রদায়কং ।
 সৰ্বতীর্থস্য ফলদং সূৰ্দ্ধিপাদাধুধারণং ॥
 মহাপাপগ্রহগ্রস্তো ব্যাণ্ডোরোগশতৈরপি ।
 পিত্রোঃ পাদোদকং পীত্বা মুচ্যতে নাত্র সংশয়ঃ ॥

পিতৃ-মাতৃ পূজা ।

চবণামৃত পান করিয়া পিতামাতার নিকট আজ্ঞা গ্রহণ করিয়া স্বকারণে গমন করিবেন ।

৩ তপস্বী ব্রহ্মন । এইরূপে প্রত্যহ পিতৃ-মাতৃ পূজা করিয়া সমস্তান দেবতা সাদৃশ্য লাভ করবেন এবং ইহকালেই স্বর্গ-গম্য হইয়া যাবেন ।”

কৃতবোধ একমনে তুলাধারের কথাগুলি শুনিতেছিলেন । তুলাধারের কথা শেষ করিলে তিনি “সাধু । সাধু । বর্ষা ঠাট্টাকে আলিঙ্গন করিয়া বলিলেন, “হে ব্যাধ । আপনাব মানব জন্ম সার্থক । আপনি ধন্য । আজ আপনাব সংসার আমিও ধন্য হইলাম । আপনাব মহৎ ও সৰল ধর্মের বিষয় অবগত হইয়া আমাব নিশ্চয় বোধ হইতেছে যে আমা আঁচবে কলকার্য্য হইতে পাবিব । হে তুলাধার । পিতামাতা সম্মুখে উপস্থিত না থাকিলে, সন্ধ্যা পূজার অনুবিধা হইলে কিম্বা ঠাট্টাদেব অভাব হইলে কিরূপে পূজা করিব ?”

ব্যাধ বলিলেন, “ঠাট্টাদেব প্রতিমূর্তি থাকিলে তাহাতে পূজা করিবেন । ঠাট্টা না থাকিলে মানস পূজার ধ্যানের ফলটি আসনে বসাইয়া পূজা করিবেন । চচ্ছা হইলে শিবলিঙ্গের এ পূজা করা যায় ।”

কৃতবোধ জিজ্ঞাসা করিলেন, “যদি পিতামাতার মতো এক জনের অভাব হয় তাহা হইলে কিরূপে পূজা করিব ?”

ব্যাধ বলিলেন, “পিতার অভাব হইলে ঠাট্টার প্রতিমূর্তি মাতার দক্ষিণে এবং মাতার অভাব হইলে ঠাট্টার প্রতিমূর্তি পিতার বামে বসাইয়া পূজা করিবেন । প্রতিমূর্তি না থাকিলে মানস পূজার ফলটি ঠাট্টাবে বসাইয়া লইবেন ।”

কৃতবোধ বলিলেন, “হে মৃগবধাজীব ! মানব কতকাল এই পিতৃমাতৃ পূজা করিবে ?”

ব্যাধ বলিলেন, “যাবৎ না মানব এই পূজা করিতে কথিতে অতুল সুখসম্পদ লাভ করিয়া তৎসমুদয় গুরুকে অকাতরে দান করিতে সমর্থ হইবেন তাবৎ কালই তিনি মাতৃপিতৃ পূজা করিবেন । হে ব্রহ্মন্ ! যাবৎ দেহায়ুজ্ঞান বর্তমান থাকে, তাবৎ দেহের কর্তা পিতামাতাই মানবের দেবতা । দেহায়ুজ্ঞান বিনষ্ট হইবার সময় আসিলে, পাপবিনাশক গুরুই সধিকের দেবতা ।”

কৃতবোধ বলিলেন, “হে মৃগয় ! দেহ অস্থস্থ থাকিলে বা পূজার দ্রব্যের যোগাড় না থাকিলে কিরূপে পূজা করিব ।”

ব্যাধ বলিলেন, “ঐরূপ অবস্থায় কেবল মানস পূজা করিলেই কাৰ্য্য হইবে ।”

কৃতবোধ এইরূপ কথোপকথনের পর ব্যাধের নিকট হইতে বিদায় গ্রহণ করিয়াছিলেন এবং ব্যাধকে শতসহস্র ধন্যবাদ দিয়া স্বগৃহে গমন করিয়া পিতৃমাতৃ পূজা করিতে আরম্ভ করিয়াছিলেন ।

“দেবগন্ধৰ্বগোলোকান্ ব্রহ্মলোকাংস্তথা পরান্ ।
প্রাপ্নুবন্তি মহাত্মানো মাতৃপিতৃপরায়ণাঃ ॥”

“রামায়ণ ।”

